

voir tout ce que vous avez fait pour estre iugez. O vous qui croyez, lors que vous serez apellez à l'assemblée du Vendredy pour faire vos oraisons, faites vos prieres & quittez vostre cōmerce ce sera bien fait si vous le cognoissez, lors que vous aurez finy vos prieres, separez vous, allez où il vous plaira, & demandez à Dieu la grace, souuenez vous souuēt de sa diuine Maïesté, vous serez bien heureux. Lors que les infidelles ont veu quelque profit, ou ont eu quelque diuertissement, ils t'ont quitté, (& son sortis de la predication), Dis leur combien y a t'il de richesses & de diuertissement aupres de Dieu, il est le riche des riches.

LE CHAPITRE DES IMPIES,
contenant unze versets, escrit
à la Medine.

AV nom de Dieu clement & misericordieux. Lors que les impies te viendront visiter ils diront qu'ils sont tesmoins que tu es Prophete enuoïé de Dieu; il sçait bié que tu es son prophete, il voit qu'ils dissimulēt & vendent leur foy pout auoir des biés au mode, enquoy ils font mal; ils disent de bouche, nous croyons en la loy de Dieu, & sont des impies dans leurs ames; l'impieté est imprimée dans leur cœur, & ne cōprendront pas les mystères

de la foy; la beauté de leurs corps ne te desplaira pas, lors que tu les verras. Ils se dressent lors qu'ils parlent, & semblent vne piece de bois dressez contre vne muraille, ils ont peur de tous les bruits qui courent, & sont vos ennemis; gardez vous d'eux, sans doute Dieu les exterminera; comme peuuent-ils blasphemer contre sa loy? Lors qu'on leur a dit, venez vers le Prophete il demandera pardon à Dieu de vos pechez ils ont branlé la teste & se sont retirez avec orgueil; malheur est sur eux, soit que tu demande pardon pour eux ou que tu ne le demande pas, Dieu ne leur pardonnera pas, il n'ayme pas les impies. Ils disent ne faites point de bien a ceux qui suiuent ce Prophete de Dieu iusques a ce qu'ils l'ayent abandonné, les tresors du Ciel & de la terre sont à Dieu, mais ils ne le comprennent pas; Ils disent, si nous retournons à la ville de la Medine, nous en chasserons la honte & l'ignominie, nous y establirons la grandeur & l'honneur, au contraire la grandeur, la force, & la victoire procedent de Dieu, de son Apostre & de ceux qui croient en sa loy, mais les infidelles ne le cognoissent pas. O vous qui croyez en Dieu, vos richesses & vos enfans ne vous doiuent pas deuoier de son seruice, ceux qui le quitteront seront au nombre des gens perdus, faites des aumosnes des biens qu'il vous a donnez auant que l'heure de vostre mort arriue; alors les impies diront, Seigneur si tu ne m'eusse pas si tost fait mourir, j'aurois embrassé ta loy. Dieu ne retarde la

de la mort de personne quand l'heure en est venue,
il sçait tout ce que vous faites.

*LE CHAPITRE DE LA TROM-
perie, contenant dix-huict versets,
escrit à la Meque.*

AV nom de Dieu clement & misericordieux.
Louëz Dieu tout ce qui est au Ciel & en la
Terre, il est Roy de toute chose, loüange luy est deuë,
il est tout- Puissant; C'est luy qui vous a creés; les vns
obseruent ses commandemés & les autres sont infi-
delles; il void tout ce que vous faites. Il a creé les Cieux
& la Terre, il vous a formés, & ferez vn iour assen-
blez deuant luy pour estte iugez, il sçait ce qui est au
Ciel & en la Terre, il sçait vos secrets & ce que vous
publiciez, il sçait ce qui est dans le cœur des hommes.
Nauëz vous pas ouy ce qui est arriué cy-deuant aux
impies? Ils ont esté punis, ils sont morts dâs leur mal-
heur, & ressentiront à la fin de rudes peines parce que
Dieu leur a enuoyé des Prophetes pour les instruire,
& ont dit, Quoy? vn homme comme nous nous en-
seignera-t'il le droit chemin? Ils les ont mesprizez, &
ont abandonné la loy de Dieu; il n'a pas affaire d'eux,
il n'a pas besoin du monde, loüange luy est deuë en
tout lieu; les impies croyent ils qu'ils ne ressusciterôt
pas? au contraire Dieu les fera ressusciter, & leur dira